

Ringkasan

Baca petikan di bawah dengan teliti dan ringkaskan menjadi **tidak lebih daripada 100** patah perkataan.

Ada empat faktor penting yang mengganggu kehidupan pengguna. Sekiranya faktor-faktor ini tidak diberikan perhatian serius oleh pihak berkuasa, taraf dan nilai hidup masyarakat pengguna akan terjejas. Keempat-empat faktor itu ialah inflasi dan kekurangan bekalan, amalan curang yang semakin bertambah di kalangan peniaga dan pedagang. Penjualan barangan yang merbahaya dan kurang bermutu serta pencemaran alam sekitar.

Sejak awal dekad ini, harga bagi hampir setiap barang telah meningkat dengan kadar yang kadang-kadang menakjubkan. Tahun ini misalnya, harga beberapa jenis barang terus meningkat. Malah tidak ada sehari pun yang tidak ada laporan tentang kenaikan harga. Perkara yang lebih membimbangkan ialah kenaikan harga diikuti pula dengan kekurangan barangan dalam pasaran seperti daging, mancis, ikan, minyak tanah, bahan bangunan dan bahan mentah untuk pengeluaran barang-barang plastik dan kebun.

Kekurangan ini hanya dibuat-buat dengan tujuan menaikkan harga. Peniaga dan pengeluar yang tidak bertanggungjawab ingin meraih keuntungan yang berlebihan. Suatu waktu dahulu, pernah berlaku kekurangan bekalan minyak diesel dan minyak tanah. Walaupun pihak pengeluar tidak mengurangkan jumlah bekalan, pengguna berasa sukar mendapatkan minyak jenis ini. Oleh yang demikian, sudah tentu ada pihak ketiga yang curang dengan menyorokkan atau menyimpan minyak supaya bahan itu kurang dalam pasaran.

Sistem pengedaran barang-barang juga kurang berkesan. Pengawasan terhadap sistem pengedaran juga kurang tegas sehingga proses pengedaran tidak lancar, terutama bagi barang-barang keperluan harian. Ini secara tidak langsung menimbulkan masalah inflasi yang semakin hari semakin meruncing. Pengguna terpaksa berhadapan dengan harga yang naik melambung. Golongan miskin terpaksa berjimat dan berhati-hati apabila membeli barang-barang.

Amalan curang para peniaga dan pedagang tidak menjadi rahsia lagi kerana banyak aduan yang telah diterima mengenai amalan curang itu. Salah satu amalan curang itu ialah menimbah barang kurang daripada yang sepatutnya. Perbuatan membaurkan kandungan barang dan bahan-bahan asing semakin menjadi-jadi dilakukan. Contohnya, serbuk kopi dicampur dengan serbuk jagung dan tempurung kelapa dan beras gred baik dicampur dengan beras hancur.

(Kira-kira 300 patah perkataan)
(diubahsuai daripada artikel Dewan Masyarakat, November 1993)

Lengkapi ringkasan berikut.

bahan-bahan asing

golongan miskin terpaksa berjimat

menimbang barang kurang

kurang berkesan

tidak lancar

pihak ketiga

menyorokkan barang-barang

hanya dibuat-buat

Peniaga dan pengeluaran

kekurangan barang dalam pasaran

mengganggu kehidupan pengguna

barang telah meningkat

Ada empat faktor penting yang _____.

Harga bagi hampir setiap _____ dengan kadar yang kadang-kadang menakjubkan. Perkara yang lebih membimbangkan kenaikan harga diikuti dengan _____.

Kekurangan ini _____ dengan tujuan menaikkan harga. _____ yang tidak bertanggungjawab ingin meraih keuntungan yang berlebihan. Ada _____

yang curang dengan _____ dan

menyebabkan bahan itu kurang dalam pasaran. Sistem pengedaran barang-barang

_____ sehingga proses pengedaran

_____. Masalah inflasi semakin meruncing dan
menyebabkan _____ dan
hati-hati apabila membeli barang-barang. Salah satu amalan curang ialah
_____ daripada yang sepatutnya.
Perbuatan membaurkan kandungan barang dan
_____ juga semakin menjadi-jadi.